



№ 16.1/16.1/812-18

«25» Հոկտեմբերի 2018թ.

«Հետք», թերթի լրագրող
Քրիստինե Աղալարյանին

Հարգելի տիկին Աղալարյան,

ՀՀ բնապահպանության և ընդերքի տեսչական մարմնին (այսուհետ՝ Տեսչական մարմին) հասցեագրված Ձեր հարցմանն ի պատասխան տրամադրում եմ պահանջվող տեղեկատվությունը:

Տեսչական մարմնի կողմից «ՎԱՅՔԳՈԼԴ» ՍՊ ընկերությունում ստուգում է իրականացրել 2018 թվականի ապրիլի 23-27-ը և օգոստոսի 6-14-ն ընկած ժամանակահատվածներում: Ստուգմամբ ընդգրկվող ժամանակաշրջանը եղել է 2012 թվականի նոյեմբերի 23-ից մինչև 2018 թվականի օգոստոսի 14-ը ներառյալ: Ստուգման արդյունքում «05» սեպտեմբերի 2018 թվականին ՀՀ բնապահպանության և ընդերքի տեսչական մարմնի կողմից ընդունվել է «ՎԱՅՔԳՈԼԴ» սահմանափակ պատասխանատվությամբ ընկերությունում իրականացված ստուգման վերաբերյալ «ԱԿՏ 34» ստուգման ակտը՝ հետևյալ բովանդակությամբ՝

Ստուգման արդյունքում պարզվել է, որ՝

1. Ընկերության կողմից լիազոր մարմնին 15.11.2012թ. ներկայացված հանքավայրի արդյունահանման նախագիծը չի ենթարկվել ՀՀ օրենսդրությամբ սահմանված կարգով նախատեսված շրջակա միջավայրի ազդեցության և տեխնիկական անվտանգության փորձաքննությունների: Փաստացի «ՎԱՅՔԳՈԼԴ» ՍՊ ընկերությանը արդյունահանման թույլտվությունը տրամադրվել է «Արմենիակ» ՍՊ ընկերության 08.08.2006թ. N ԲՓ-87 շրջակա միջավայրի ազդեցության և 28.11.2006թ. N 395 տեխնիկական անվտանգության փորձաքննությունների դրական եզրակացությունների հիման վրա:
2. Ընկերությունը թիվ L-371 լեռնահատկացման ակտով տրամադրված կոորդինատներով եզրագծված ընդերքի տեղամասի սահմաններում 2014 թվականի սեպտեմբերի 10-ից մինչև 2015 թվականի հունվարի 23-ը և 2016 թվականի մայիսի 29-ից մինչև հուլիսի 08-ը ընկած ժամանակահատվածում իրականացրել է երկրաբանահետախուզական հորատման աշխատանքներ: Երկրաբանահետախուզական աշխատանքների ընթացքում հանքավայրում իրականացվել են ճանապարհների լայնացման և վերանորոգման, հորատհրապարակների կառուցման և մեխանիկական սյունակային հորատման (9991,8զծ.մ) աշխատանքներ: Երկրաբանահետախուզական աշխատանքները 22.09.2014թ. թիվ ԵՖ-14-21 հաշվառման համարով գրանցվել է «Հանրապետական երկրաբանական ֆոնդ» ՊՈԱԿ-ում:



3. Ընկերությունը 2017 թվականի դեկտեմբերին հանքավայրում իրականացրել է 1330 տ. հանքաքարի արդյունահանում: Արդյունահանված հանքաքարում մետաղների քանակները կազմում են ոսկի՝ 11,31 կգ., արծաթ՝ 84,5 կգ., պղինձ՝ 5,25 տ.:
4. Վերը նշված արդյունահանված հանքաքարը չի արտացոլվել Ընկերության կողմից լիազոր մարմնին ներկայացված 2017 թվականի համար նախատեսված 5 ՕՀՊՀ և 70 SU հաշվետվություններում:
5. Արդյունահանման ընթացքում տեղամասում շահագործական հետախուզություն, ինչպես նաև երկրաբանական և մարկշեյդերական աշխատանքներ չեն իրականացվել:
6. Ընկերության կողմից չեն հավաքագրվել և պահպանվել ուսումնասիրված, արդյունահանված և ընդերքում կորսված օգտակար հանածոների պաշարների, նրանցում պարունակած բաղադրամասերի որակի ու քանակի վերաբերյալ տվյալները:
7. Մակաբացված ապարները տեղադրվել են արդյունահանված տեղամասի հարակից տարածքում:
8. Ընկերությունը երկրաբանահետախուզական աշխատանքներ կատարելու նպատակով Ագատեկ, Ջառիթափ և Վայք քաղաքային համայնքների հետ 25.09.2014թ. և 01.06.2016թ. (բացառությամբ Վայք քաղաքային համայնքի) կնքել է հողմասի վարձակալության պայմանագրեր՝ եռամսյա ժամկետով: 2017 թվականի դեկտեմբերին Ընկերության կողմից հանքաքարի արդյունահանումն իրականացվել է առանց հողի վարձակալության և նպատակային նշանակության փոփոխության:
9. Ընկերությունը չունի օգտակար հանածոների պաշարների շարժի գրանցամատյան:
10. Ընկերությունը 2012 և 2013 թվականների համար նախատեսված 70SU և 71SU հաշվետվությունները լիազոր մարմնին չի ներկայացրել:
11. Ընկերության կողմից շրջակա միջավայրի պահպանության դրամագլխի համալրման (ռեկուլտիվացիոն) վճարները չեն կատարվել, ապառքն առ 01.04.2018 թվականի դրությամբ կազմում է 1715,88 հազ. դրամ:
12. Օգտակար հանածոյի արդյունահանված տարածքի, արդյունահանման ընթացքում առաջացած արտադրական լցակույտերի տեղադիրքի և դրանց հարակից համայնքների բնակչության անվտանգության և առողջության ապահովման նպատակով մշտադիտարկումների վճարները չեն կատարվել:
13. Ընկերության կողմից չեն կատարվել Պ-371 ընդերքօգտագործման պայմանագրի հավելված 1-ով սահմանված ֆինանսական առաջարկները:
14. Ընկերությունը 30.11.2012 թ. կնքված և 21.01.2015թ. փոփոխված թիվ Պ-371 ընդերքօգտագործման պայմանագրի 2.1 կետով պարտավոր էր երկամյա ժամկետում կատարել լեռնակապիտալ աշխատանքներ, որից հետո հանքավայրում իրականացնել հանքաքարի արդյունահանման աշխատանքներ՝ տարեկան 300 հազ. տ. օգտակար հանածոյի պաշարների մարմամբ:

Վերոնշյալի արդյունքում Ընկերության կողմից խախտվել է Հայաստանի Հանրապետության Ընդերքի մասին օրենսգրքի 54-րդ հոդվածի 3-րդ մասի, 59-րդ հոդվածի 3-րդ մասի 1-ին, 4-րդ, 5-րդ, 6-րդ, 7-րդ և 11-րդ կետերի, 61-րդ հոդվածի 2-րդ մասի, 65-րդ հոդվածի 1-ին մասի 1-ին կետի, ՀՀ կառավարության 2013 թվականի մարտի 14-ի N274-Ն որոշման 50-րդ կետի, ՀՀ կառավարության 2012 թվականի հուլիսի 19-ի N911-Ն որոշման, ՀՀ կառավարության 2012 թվականի մարտի 22-ի N437-Ն որոշման N1 հավելվածով հաստատված պայմանագրի հավելված N1-ի, Հայաստանի Հանրապետության հողային օրենսգրքի 8-րդ հոդվածի, 36-րդ հոդվածի 5-րդ մասի, 110-րդ հոդվածի 2-րդ մասի 1-ին, 4-րդ և 5-րդ կետերի, «Շրջակա միջավայրի վրա ազդեցության գնահատման և փորձաքննության մասին» Հայաստանի Հանրապետության օրենքի 27-րդ հոդվածի 2-րդ մասի 6-րդ կետի պահանջները:

Նշված խախտումները Վարչական իրավախախտումների վերաբերյալ Հայաստանի Հանրապետության օրենսգրքի 54-րդ հոդվածի, 54²-րդ հոդվածի, 54⁴-րդ հոդվածի 2-րդ պարբերության, 60¹-րդ հոդվածի 4-րդ պարբերության և 94¹-րդ հոդվածի 1-ին պարբերության համաձայն առաջացնում են վարչական պատասխանատվություն:

Ստուգման ակտի հիման վրա «18» սեպտեմբերի 2018 թվականին ՀՀ բնապահպանության և ընդերքի տեսչական մարմնի ղեկավարի կողմից ընդունվել է **համ. 34-Ա որոշումը ընդերքօգտագործման գործողություններն արգելելու մասին**՝ հետևյալ բովանդակությամբ՝

Ընկերության կողմից լիազոր մարմնին 15.11.2012թ. ներկայացված հանքավայրի արդյունահանման նախագիծը չի ենթարկվել ՀՀ օրենսդրությամբ սահմանված կարգով նախատեսված շրջակա միջավայրի ազդեցության և տեխնիկական անվտանգության փորձաքննությունների: Փաստացի «ՎԱՅՔԳՈԼԴ» ՍՊ ընկերությանը արդյունահանման թույլտվությունը տրամադրվել է «Արմենիակ» ՍՊ ընկերության 08.08.2006թ. N ԲՓ-87 շրջակա միջավայրի ազդեցության և 28.11.2006թ. N 395 տեխնիկական անվտանգության փորձաքննությունների դրական եզրակացությունների հիման վրա:

Ընկերության կողմից լիազոր մարմնին 15 նոյեմբերի 2012 թվականին ներկայացված հանքավայրի արդյունահանման նախագծի ՀՀ օրենսդրությամբ սահմանված կարգով նախատեսված շրջակա միջավայրի ազդեցության և տեխնիկական անվտանգության փորձաքննությունների եզրակացությունների տրամադրման վերաբերյալ Տեսչական մարմնի կողմից հարցում է կատարվել ՀՀ բնապահպանության և արտակարգ իրավիճակների նախարարություններին, որին ի պատասխան բնապահպանության նախարարությունից տեղեկացրել են, որ հանքավայրի շահագործման աշխատանքային նախագիծը չի ներկայացվել ՀՀ բնապահպանության նախարարության շրջակա միջավայրի վրա ազդեցության փորձաքննության, իսկ ՀՀ արտակարգ իրավիճակների նախարարությունը հարցմանն ի պատասխան տեղեկացրել է, որ իր կողմից վարվող արտադրական վտանգավոր օբյեկտների ռեեստրում «ՎԱՅՔԳՈԼԴ» ՍՊԸ-ի անվամբ գրանցված օբյեկտներ չկան, ինչպես նաև տեխնիկական անվտանգության փորձաքննությունների եզրակացությունների վերաբերյալ տեղեկատվություն չունեն:

Համաձայն Հայաստանի Հանրապետության ընդերքի մասին օրենսգրքի 50-րդ հոդվածի 2-րդ մասի՝ օգտակար հանածոյի արդյունահանման նպատակով ընդերքօգտագործումը, առանց սահմանված կարգով պետական փորձաքննությունների ենթարկված նախագծի, արգելվում է:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» Հայաստանի Հանրապետության օրենքի 58-րդ հոդվածի 1-ին մասով, «Բնապահպանական վերահսկողության մասին» Հայաստանի Հանրապետության օրենքի 27-րդ հոդվածի 5-րդ մասի ե) կետով՝


1. Արգելել «ՎԱՅՔԳՈԼԴ» սահմանափակ պատասխանատվությամբ ընկերության կողմից՝ Վայոց ձորի մարզի Ագատեկի ոսկի-բազմամետաղային հանքավայրում, օգտակար հանածոյի արդյունահանման նպատակով ընդերքօգտագործումը:

2. Հանձնարարել «ՎԱՅՔԳՈԼԴ» սահմանափակ պատասխանատվությամբ ընկերությանը՝ Վայոց ձորի մարզի Ագատեկի ոսկի-բազմամետաղային հանքավայրում օգտակար հանածոյի

արդյունահանման նպատակով ընդերքօգտագործումն իրականացնել բացառապես սահմանված կարգով պետական փորձաքննությունների ենթարկված նախագծի առկայության դեպքում:

Ստուգման ընթացքում լրացուցիչ մասնագետներ ներգրավելու անհրաժեշտություն չի առաջացել:

Հարգանքով,



Արթուր Գրիգորյան

ՀՀ բնապահպանական և ընդերքի տեսչական մարմնի ղեկավար